



潜確居類書

二十山

十一

032.  
Ti282s



国立国会図書館 タイトル『潜確居類書120卷』 請求記号 032-Ti282s

ガラス使用



032  
Ti282A



238197

潜確居類書目錄卷二十

區宇部十五 山六

諸山五 浙江

杭州府

吳山

鳳皇山

秦望山

南屏山

孤山

石甌山

虎林山



定山

巧山

落山

臯亭山

靈隱山



卷二十一 區宇部 一





飛來峯

北高峯

九曜山

三台山

大慈山

金牛山

紫微山

赭山

靈崑山

陽平山

小隱山

白龍山

西巖山

桃源山

由拳山

黃山

大滌山

徑山

天柱山

天目山

石鏡山

東山

西山

九州山

垂露山

郭山

西天目山

生仙山

石柱山

岸嶠山

天柱山

百丈山

龍塘山

大明山

石室山

千頃山

嘉興府

秦山

瓶山

五臺山

卷二十一

區字部

區字部

二





胥山

金粟山

青山

秦住山

長墻山

夾山

白塔山

葫蘆山

浮玉山

卞山

昇山

莫干山

道場山

葛仙山

杼山

戴山

長超山

五峯山

餘干山

堯市山

烏瞻山

顧渚山

雉山

吳羌山

敢三山

吳憾山

金鵝山

囚女城山

石城山

響應山

銅官山

計峴山

封山

玉磬山

梅溪山

天目山

廣茗山

寧波府

山

區字部

三



赤董山

金峩山

四明山

武陵山

石臼山

木阜山

天井山

阿育王山

太白山

天童山

陶公山

雨微山

夜飛山

大隱山

車廄山

勾餘山

大蓬山

蘆山

丹山

雪竇山

塔亭山

赤莧山

岳林山

蓬島山

招寶山

翁州山

巾子山

蛟門山

鼓吹山

補陀洛迦山

桃花山

珠巖山

三萼山

紹興府

臥龍山

龜山

蕺山

葛山



會稽山

宛委山

秦望山

寶山

白鶴山

射的山

雲門山

蘭渚山

蕭山

城山

摩烏山

連山

翠嶂山

歷山

洛思山

五泄山

寶掌山

烏帶山

杭烏山

句乘山

苧蘿山

歷山

秘圖山

龍泉山

羅壁山

四明山

客星山

東山

蘭芳山

太白山

白石山

艇湖山

石鼓山

金庭山

丹池山

貴門山

剡山

石城山

南巖山

沃洲山





天姥山

台州府

括蒼山

金鰲山

龍符山

合旗山

海門山

大同山

蓋竹山

白鶴山

白鵠山

許孝山

東刊山

清潭山

委羽山

鷄籠山

靈石山

赤城山

天台山

桐柏山

寒石山

安洲山

韋羌山

紫籜山

龍母山

蓋蒼山

天門山

大雷山

方城山

五龍山

金華府

金華山

赤松山

南山

長山

香山

蘭陰山





東白山

峴山

歌山

雲樓山

石樓山

來山

五雲山

稠巖山

鷄鳴山

方巖山

金勝山

石翁山

大家山

白陽山

八素山

菊妃山

仙華山

寶掌山

衢州府

爛柯山

九龍山

塘山

龍丘山

三衢山

容車山

江郎山

騎石山

筋竹山

西山

蟠桃山

古田山

嚴州府

烏龍山

橘山

龍門山

幽徑山

馬目山

雲濛山





南山

東泉山

都督山

桐君山

戴山

牛山

富春山

霧山

武强山

石英山

魏馱山

萬松山

慶雲山

萬石山

温州府

容車山

華蓋山

吹臺山

泉山

青嶂山

孤輿山

華巖山

覆釜山

羅浮山

大小若

西峴山

寶香山

五公山

許峯山

福全山

仙巖山

帆游山

丹霞山

簫臺山

白石山

左原山

雁蕩山

昆山

鳳山

青華山





南雁蕩山

玉蒼山

天闕山

處州府

釋山

九盤山

南明山

少微山

麗陽山

城門山

石僧山

風門山

大梁山

青田山

占陽山

石帆山

南田山

石門山

吏隱山

仙都山

小蓬萊山

括蒼山

鳳凰山

九姑山

琉華山

臺湖山

西山

金鰲山

卯山

西山

大明山

西屏山

上方山

唐山

西明山

君子山

鷄鳴峯

百丈山

青崖頂書

卷二十一

區宇部

七





象山

仙桃山

仙岡山

烏鐵巖

石耳山

白馬山

玉岩山

潜確居類書目錄卷二十

潜確居類書卷之二十

史官陳仁錫明卿父纂輯

區宇部十五

山六

諸山五

浙江

杭州府

吳山○舊圖經吳山在錢塘縣城內春秋時爲吳南  
界以別于越故名吳或曰以伍子胥訛伍爲吳郡  
志亦稱胥山上有子胥祠○凡城南隅諸山蔓衍  
相屬總曰吳山而异其名山中寺觀亭榭繁多而  
最勝者三茅觀雲居寺江山一覽亭俱在山之巔



凡登山者。繇西崖而上。兩傍奇石。峻層骨立。名瑞山。其左爲紫陽洞。○宋張平叔。元徐弘道。俱修真于此。

鳳皇山○鳳皇山。在府城南。堪輿家謂一郡王氣皆藉此山。南宋建都。嘗環入內苑。

秦望山○秦望山。在府城南。秦始皇登此望海。

南屏山○南屏山。在府城西。惟石壁立如屏。其凌空而中峙者。曰慧日峰。

孤山○孤山。在西湖上。趙子固嘗放棹山隈。以酒晞髮。箕踞歌離騷。指林麓最幽處。瞪目絕叫曰。此是

洪谷子董北苑得意筆也。隣舟數十皆驚歎以爲異人。

石甌山○石甌山。在西湖北。上有保叔塔。相傳秦始皇嘗艤舟其下。

虎林山○虎林山。在府城西南。因避唐諱。改武林。舊名祖山。○揚正寶記畧。錢氏有國時。此山在城外。叢薄蒙密。异虎出焉。故名虎林。音訛爲武

定山○定山。在錢塘江上。江濤至此。輒抑過則噴怒如雷。

巧山○巧山。在錢塘。俗傳錢王乞巧于此。山形圓如



珠又名龍珠山

落山○落山在錢塘一名望洛山昔有高士自洛陽來。楠隱此山時登其巔望洛故名

臯亭山○寰宇志臯亭山在錢塘縣東三十里高四百丈有水鬣。莠花。青草。蒲墳諸場。其下有亞父塚上多莠竹果樹

靈隱山○元和郡縣志靈隱山在錢塘縣西十二里。本名西山一名仙居山○晉咸和元年梵僧慧理登山歎曰此中天竺國靈鷲山之小嶺不知何年飛來。仙靈隱窟今復爾否。因名靈隱。爲建靈隱寺

于此相傳刹利禪師寶達以晉天福間居是山善持秘咒時浙江水溢激射湖岸師誦咒止之是夜有偉人黑冠朱衣謂師曰伍員復求雪耻耳師慈心爲物員聞命矣自是潮擊西興而杭州東岸沙漲數里今寺有印沙床照佛鑑是其遺址云

飛來峰○舊圖經飛來峰在錢塘縣西介于靈隱天竺兩山之間高數十丈怪石森羅青蒼玉削其頂有泉出岩罅曰蓮花泉舊傳謝靈運翻經臺在焉。傍多异木不假土壤根生石外矯若龍蛇此僧慧理謂其自天竺飛來者也



潜確居類書 卷二十一 三  
北高峰○輿地紀勝北高峰在錢塘乃靈隱最高第一峰也石磴數百級曲折三十六灣唐天寶中建浮屠七層于頂羣山屏列湖水鏡明浮光倒垂萬象在下。遙望浙江如匹練之新濯

九曜山○舊圖經九曜山在錢塘乃宋莊文景獻二太子攢園折而南爲石屋洞高敞虛明衍迤二丈六尺狀如軒榭又南爲烟霞嶺嶺下有水樂洞洞窟虛窈泉嚮作金石聲故名有烟霞洞洞中皆丹玄五采山之陰曰南高峰凡高一千六百丈山椒巨石名先照壇以日月初升被照獨先故名又有

鉢盂潭。潁川泉。白龍潭洞。相傳爲神物所居。晉天福間。建塔其上。東瞰湖山。南瀕大江。西接岩巒。北矚陵阜。畢呈睂睫間。其側有端應像。神設鬼工。不假雕鑿

三台山○三台山在錢塘山有于肅愍公墓。公諱謙錢塘人。英廟北狩。公以兵部尚書任國事。外攘內撫。有社稷功。及天順復辟。爲奸臣石亨譖誣。論死。成化二年。廷議始白。遣官祭葬。

大慈山○大慈山在錢塘○唐元和間。建定慧寺于此。寺有扁跑泉。



金牛山○金牛山在海寧○寰宇記晉吳楚間有金牛。自毘陵奔此而沒。因以為名。山側有洞。深不可測。宋建炎間。避亂者多居之。

紫微山○紫微山在海寧。洞有紫微泉。中分一澗。通峽石湖。

赭山○一統志赭山在海寧。與紹興龕山相對。是為海門。

靈崑山○靈崑山在富陽。一名南山。○漢建元末。僧曇超講經于靈苑山。有龍化為老人。詣超曰。吾龍也。兄弟五人。居富春靈崑北。鄉民耕山。逼吾居。羣

龍怒。閉膏雨。吾固不忍。而弗能止。聞師道行。必能化伏。師乃詣縣誦經。雨大霑足。羣龍因請師居此山。化為白馬。載師以登。至今石上馬跡猶存。宋嘉定中。賜號靈悟大師。

陽平山○名勝志陽平山在富陽縣南。其山高五十丈。廣二十里。南面大江。後漢孫鍾種瓜其上。卒即葬焉。常有紫雲。蔓延數十里。後堅為縣吏。討黃巾賊有功。任終豫州牧。傳子策。權遂建吳國。凡歷四世。

小隱山○小隱山在富陽縣之主山也。上有永樂吉

238187





潛確居類書 卷二十一 五  
祥寺蘇子瞻題詩于壁有謝景初書堂在焉。今有  
雙松故基

白龍山○名勝志白龍山在富陽城之北。山勢如屏。  
傍有方沼常有白蛇往來其間。一日樵者見蛇吐  
珠捕而烹食之。其家全斃。後珠歸里人楊氏。數有  
羽人至其家語及此事。因求見珠而懷之。人忽不  
見

西岩山○西岩山在富陽。岩下有洞。洞口有池。水應  
潮候。山麓巨石扣之鏗然。人稱石鼓。嘗有僧坐岩  
前。葛洪求其地煉丹。僧乃退居西岩寺。今有仙翁

足跡及煉丹鼎在洞中

桃源山○桃源山在餘杭。上有寺曰青龍。○唐進士  
陳季卿遊青龍寺。觀寰瀛圖。心動。遇終南老人。折  
竹葉爲舟。與季卿登桃源。倏忽不知所在

由拳山○由拳山在餘杭。即餘杭山也。一名大辟山。  
按由拳屬嘉興縣。吳大帝時暨猶自由拳來。隱居  
于此。故以名之。○郡國志餘杭有由拳村。出藤紙  
晉郭文嘗隱此。又曰郭公山

黃山○名勝志黃山在餘杭。亦名餘杭山。高千餘丈。  
超出雲表。百里外即望見之。左大滌。右天柱。其趾



甚長。唐柳公權大書黃山二字刻于石。有伏虎岩當峻壁間。若環之室。即郭文爲虎探骨處。

大滌山○大滌山在餘杭。高六百九十丈。中有日月分精。金堂玉室。曰大滌者。人謂此山幽邃。可以洗滌塵心故也。上有許邁丹竈及棲真歸雲諸洞。皆神仙窟宅也。

徑山○名勝志。徑山在餘杭。高三千餘丈。乃天目之東北峰。有徑可通天目。故名。東西二徑盤旋迂曲。飛磴而上。各高十里許。七峰羅列凌霄。一峰最高而秀。其左曰宴坐峯。朝陽峰。北曰天顯峰。前曰堆

珠峰。峰陰有鉢盂池。又名鉢盂峰。右曰鵬搏峯。御愛峰。宋高宗嘗遊。幸歎賞。故名。○唐開山法欽和尚初受記于素禪師。曰。汝乘流而行。逢徑即止。南遊至此。問樵者以山名。荅曰。徑山。遂登絕頂。入五峰之間。忽有素衣老人前拜曰。我龍也。願捨此地。爲師駐錫。第有大湫。吾世家于此。塞之必涸。願留一穴。言訖。雲霧晦暝。風雨驟作。及明。湫水盡乾。惟一穴。至今在寺甬道之左。其深無底。號曰龍井。○永泰中。昌化章氏子。名俱胝。童真修道。遂有神異。來禮欽和尚。欽指座後石屏。令叱之。屏裂爲三。因



與落髮。代宗賜紫方袍。勅號國一禪師。○舊志有方僧與國一禪師說法。師曰。此有頑石。汝能叱之使下乎。僧曰。吾能使之。上不着天。下不著地。乃大聲嚇之。其石隨而下。復嚇之。石隨而上。○縣令王某。以絲線徹底經之。與石座無毫髮沾染。其神異如此。○國一禪師每說法。有一雞佇立不動。傾耳聽之。今有靈鷲冢。高三尺許。

天柱山○一統志。天柱山在餘杭。道書第五十七福地。舊志。天柱在中國有三。一在壽陽。一在龍舒。此其一也。

天目山○天目山在臨安。道書第三十四洞天。上有兩峰。峰頂各一池。若左右目。故名。周八百里。亘杭宣湖徽四州界。

石鏡山○石鏡山在臨安。東峰有圓石。其光如鏡。錢鏐幼日照之。冠冕儼然。王者唐昭宗封為衣錦山。木曰衣錦將軍。

東山○一統志。東山在臨安。相傳謝安高卧。東山即此。晉書云。安嘗坐石室。臨濬谷。悠然歎曰。此與伯夷何遠。





西山○西山在臨安○晉許邁謂臨安多金堂玉室仙人芝草遂自垂雷山移居于此登岩茹芝有終焉之意乃更名元字遠遊著詩十二首論神仙事莫知所終

九州山○九州山在臨安○唐羅隱碑記錢逵字通甫梁大同間為廬陵國侍郎羽林監娶瑯邪王氏生九子皆為郡故名

垂雷山○名勝志垂雷山在臨安○吳興記上有懸雷因以為名○晉許邁嘗謂垂雷山近延陵之茅山是為洞庭西門潛通五岳○陳安世茅季偉嘗

所遊處築精舍以居

郭山○郭山在臨安○舊志郭文嘗居此又名白石山文舉之墓在焉

西天目山○圖經西天目山在於潛山東北有主峰高出天半者為翔鳳林其外則平地突起一石周迴十餘丈高百丈為玉柱峰又有象鼻香爐三峰以形似得名其西峰之頂俗名西尖有採芝岩昔劬藥山中者見岩上芝草一本五色因接長竿采之遂沒後數日左右復出二本皆翠色至今隱見不常上有千丈岩龍穴石城石門張公舍石巷石



清石類書 卷二十一  
屋石倉石版石柱新嶺石雷神宅諸靈勝徐伍二  
仙修煉之所

生仙山○生仙山在於潛相傳漢天師張道陵生於  
此山之西有彩雲紫氣之瑞故名道陵七歲誦道  
德經于天文地理河圖經緯無所不通從學者千  
餘人

石柱山○石柱山在於潛其上石柱高二丈許有古  
篆文或云秦刻

峯嶸山○峯嶸山在於潛翠岫環列天目在望上下  
流泉清碧可愛

天柱山○天柱山在新城高一百二十丈○唐大中  
年旱一老人云何不禱于此山獨角仙人言畢徑  
去農者追于餘杭縣界曰我皇甫真君也因又名  
爲皇甫山

百丈山○百丈山在昌化一名潛山○吳興地志堯  
時洪水此山潛而不沒其高在水面猶百丈上有  
王仙洞管仙人王太伯嘗居之里人有見洞口曝  
鹽數十袋者即之不復見始信爲神仙窟宅山下  
兩石相峙名秦皇石又名雙峰相傳始皇欲作石  
橋渡海此石驅之不去又翠竹團團中窪如釜



飛泉百尺。自岑巔瀉落釜中。名翠釜潭。又有潭水。清冽可鑒毛髮。時見有赤色霧鳥。儀于水邊。人欲羅之。乃化爲石。因名鳥儀潭。

龍塘山○龍塘山在昌化。高一千丈。山多怪石。中有龍洞。石磴縈紆而下如曲房。有石肖羅漢。又曰羅漢洞。山中石壁環列如城。多奇松。人莫能取岩水。注下會于澗。山麓有石龕。高丈許。廣可容三五人。內有龍岩和尚趺坐跡。有石窟如小鉢。絲泉紆滲其中。不溢不涸。盛寒不冰。

大明山○名勝志大明山在昌化。高一千二百丈。其巔廣三十餘畝。如平地。南跨岩州。中有龍池。山半有瀑布泉。曰蛇岩。鷄子峰。崑崙岩。俱森聳峻拔。石室山○石室山在昌化。高千丈。巨石如屋。相傳樵子見有墊服三四人。環坐石上奕棋。問侍者云。古墨子也。因名墨子岩。

千頃山○千頃山在昌化。高千六百丈。其廣千頃。故名。巔有龍潭。廣數百畝。中產金銀魚。宋高宗嘗命。中使取之。其西有娑羅樹。生娑羅花。初夏開時。其香遠聞。相傳爲許由故居。

嘉興府



瓶山○名勝志瓶山在秀水高三丈相傳宋時酒務  
在此其壘岳所弃積久成山

五臺山○五臺山在秀水○晉徐熙居此一日其井  
發光因請捨宅爲靈光寺井曰靈光井○宋有寶  
安禪師年八百歲來自五臺山躬運土石作山亦  
名五臺而建五臺院院西南有水紋觀音殿唐咸  
通間郡中有木在水遇濟人淨則浮羶則沉郡人  
異之因取爲觀音像鐫刻甫畢而面目手指皆有  
文采稱爲木紋觀音

胥山○胥山在府城東舊名張山伍子胥伐越屯兵  
于此改今名

金粟山○金粟山在海鹽石上有篆書二十六字天  
冊元年碑

青山○青山在海鹽澱敢浦鎮主山也山顛今置烽  
埃

秦住山○秦住山在海鹽一名秦駐下有秦駐塢相  
傳始皇東遊至此繫舟于泊櫓山登秦住俯長墻  
望滄海美人死葬之秦逕山山上有美人廟山下  
有大堀路即始皇馳道也道傍有秦住館唐縣令  
李諤更名南館





長墻山○長墻山在海鹽。秦始皇嘗登此望海。山形

橫截海濤。若堵墻。山下有石岩臨海。名穿山洞。

夾山○夾山在海鹽。山南有晉于瑩墓。瑩葬時。以所

幸婢殉。後十餘年。于寶啓墓。墓母婢伏棺猶生。言

天地鬼神事甚悉。寶始不信鬼神。著無鬼論。至是

乃悟幽冥之理。撰衣相日記及搜神記三十卷。

白塔山○白塔山在海鹽。去秦駐山二里。浸于海中。

山上有白塔。山下有潭。通魯浦。曰白塔潭。海舟所

從入也。○唐至德中。正字徐嶷。于此得桃核片。可

貯升米。○宋建炎初。賊將徐大刀。艤舟山下。見林

木秀茂。有兩道人奕碁。就之不見。遂不敢犯。

葫蘆山○葫蘆山在海鹽。其山浸海中。潮汐消長。如

葫蘆。出沒故名。

湖州府

浮玉山○一統志。浮玉山在府城南。玉湖中。舊志。滄

玉之山有二。在歸安者為小浮玉。在孝豐者為大

浮玉。菴水出其陰。

卞山○卞山在府城北。一名弁山。山石瑩然如玉。旁

有別峰。號西陵。趙孟堅嘗得五字。不損本蘭亭。于

霅川。喜甚。乘夜至弁山下。大風覆舟。孟堅立淺水





中持蘭亭示人曰。帖在此。餘不足問。回題卷尾云。

性命可輕。至寶是保。

雷音閣

昇山○昇山在府城東。一名歐餘山。太守王羲之嘗飲其下。謂賓客曰。百年之後孰知逸少與諸卿至此乎。因名昇山。

莫干山○莫干山在府城西。吳王鑄劍于北。

道場山○道場山在歸安。○禪宗正脉如訥禪師証道于此。故名。山有伏虎岩。瑤席池。虎跑泉。歸雲菴。諸勝。

葛仙山○葛仙山在歸安。○職方圖志葛洪煉丹處。

天下十有三。鳥程其一也。

杼山○杼山在歸安。高三百丈。周一千二百步。○陸羽記夏后杼巡狩之所。亦居稽留山上。有避蛇城。○說文它。蛇也。是時下民昏墊。避蛇于此。山多顏真卿遺跡。

戴山○戴山在歸安。其上多石。無艸木。晉譙郡戴顓游吳。衣冠之士隨其所至。即築室以居之。○太守張邵素與之善。為築于此。因名。

長超山○長超山在歸安。一名湖趺山。其上有漢蒯子遺跡。下有湖。趺濠廣二百頃。

湖州府山



五峰山○五峰山在長興○括地志仙人姚粼所居  
餘干山○餘干山在長興○陳梁故事梁武帝時童  
謠曰主氣在三餘乃於餘干餘姚餘杭為厭勝法  
然不知此有餘干山也

堯市山○堯市山在長興○舊志堯時洪水民巢居  
其上遂成市集山高三百四十丈上有池其中有  
埜荷下有堯廟○唐僧皎然詩堯市人稀紫筍多  
烏瞻山○烏瞻山在長興管有烏子瞻望此山曰可  
以避世養道

顧渚山○顧渚山在長興夫差顧其渚乎衍可都故  
名產茶

雉山○雉山在長興梁武帝時謠曰烏山出天子故  
江左山以烏名者皆鑿惟雉山獨完後陳武帝霸  
先出豈謠亦有驗歟

吳羌山○吳羌山在德清高士吳羌避王莽之聘隱  
此又名乾元山

敢三山○敢三山在德清或云吳丞相闕澤所居訛  
闕為敢山有三峰中曰敢山左曰龍山右曰鳳山  
吳憾山○城塚記吳憾山在德清又名城山管吳王  
夫差憾越王傷其父進軍伐之築壘于此○唐李





光弼偏將辛孜于此築城以平朱覃姚廷諸賊號奉國城

金鵝山○金鵝山在德清○後漢海昏侯沈戎葬其下有金鵝飛集三鳴而去其後沈氏通顯諺云金鵝鳴沈氏興

囚女城山○囚女城山在德清○入東記云後漢青州刺史姚恢與海昏侯沈戎卜居柯田山恢女是戎子婦密報戎戎先居之姚曰囚女于此三世不復養女山東有漾亦名囚女漾今人改山名為齊眉山

石城山○石城山在武康漢末赤眉之亂邑人壘石禦寇因以成山

響應山○響應山在武康上有大響岩小響岩人經此山者隨語應聲

銅官山○吳興掌故銅官山在武康吳王濞采銅于此唐名武康山

計峴山○計峴山在武康相傳計然嘗居此接烏程界

封山○封山在武康古防風氏封守之地又名封禺山



玉磬山○玉磬山在安吉州。晉有高僧居此。掘地得玉磬。

梅溪山○吳興掌故梅溪山在安吉州西。地多產梅。故名。山麓一石聳立百餘丈。陡絕不可登。上有磐石如磨。遇大風雨則轉其旁。有石門。中產石耳。食之止熱。

天目山○天目山在孝豐。高三萬六千丈。廣八百里。有三十六洞天。十二龍潭。其東峰從臨安入。西峰從當縣入。深阻難登。相傳春秋時有披裘翁隱此。嘗出採薪。遇延陵季子。見道傍遺金。季子命取之。

瞋目曰。何子居之高。視之下。儀貌之莊。語言之埜也。吾五月披裘而採薪。豈取金者哉。季子謝之。問其姓名。不告而去。

廣茗山○廣茗山在孝豐。即天目山之陰也。茗水出焉。

寧波府

赤堇山○赤堇山在鄞縣。產赤堇草。故名。○薛燭曰。歐冶子與越王鑄劍。破赤堇之山。即此。

金峨山○金峨山在府城南郡之案山也。

四明山○四明山在府城西南。志稱深迴幽奇。與人



境殊絕。詳會稽山川

武陵山○武陵山在府城東。相傳劉阮采藥於此。春月桃花萬樹儼若桃源。

石曰山○石曰山在鄞縣。山坡圓石可二丈許。中有穴似曰。世傳葛仙翁煉藥于此。山下溪潭深迴。不知其底有魚如舟。見必陰雨。或見龍首枕于山麓。又有響岩壁立。下浸江水。水流作聲則岩中荅之。○唐賀知章嘗居此。名佛影岩。以天寒有鷓鴣羣集。又名鷓鴣岩。

木阜山○木阜山在鄞縣。環列二十四峯如木芙蓉。亦名芙蓉山。一名木坑。

天井山○天井山在鄞縣。上有五井。一岩突然下瞰百仞之淵。地僅側足。緣蘿可行。如此者數十步。至下井之傍。石皆光潔。如龍物常行。久而熟之之狀。又行三里。至中井。又三里。則上井。愈入愈險。餘二井益險絕。人跡罕到。故舊志云三井云。

阿育王山○阿育王山在鄞縣。昔阿育王現靈。建寺其下。因以名山。山腰有佛足跡。入石二寸餘。有極目亭。望海中山如丘垤。有舍利塔。相傳如來真身舍利。八萬四千塔之一也。有宸奎閣。廬山僧懷璉



潛確居類書 卷二十一  
以藏宋仁宗問荅手書及所賜詩頌學士蘇軾爲之銘

太白山○太白山在鄞縣頂有龍池雲霧翕勃生于水面麗日晴霄澄澈如鏡或風振林木葉落無墮池中者其山最高四時積雪不消故名太白亦謂之南太白宋理宗書太白山賜僧子朴云

天童山○天童山在鄞縣○晉永康中僧義興卓錫于此有童子給役薪水久之辭去曰吾太白星也上帝遣侍左右言訖不見太白天童之名實昉于此

陶公山○名山志陶公山在鄞縣世傳陶朱隱此有釣魚磯在焉宋守胡榘渠嘗建烟波館天鏡亭于上

雨微山○雨微山在慈谿山上有雲氣即雨邑人以此爲驗名雨徵後避宋廟諱改爲微

夜飛山○夜飛山在慈谿相傳此山自蜀中飛來蜀客識之其山出甘草靈藥

大隱山○夏侯曾先地志大隱山在慈谿南入天台北峰爲四明東麓昔謝靈運採藥之所晉虞喜嘗隱焉三召不起故以大隱名



車廄山○會稽記車廄山在慈谿。勾踐于此置廄。今停車秣馬遺跡猶存。今設車廄驛。

勾餘山○勾餘山在慈谿。以在句章之西。餘姚之東。而名○山海經勾餘之山。多金錫。少草木。句勾同

大蓬山○大蓬山在慈谿。上產香艸。一名香山。相傳始皇欲自此入蓬萊。又名蓬蓬山。

蘆山○寰宇記蘆山在慈谿。峰嵐蒼翠。在鶴洲。鳧渚之上。

丹山○圖經丹山在奉化。四明之南。刻談源之三石村。上有一洞如廣廈。可容五六十人。內一小穴。甚

深。入者行幾半日。聞水聲如雷而返。岩罅水流。皆紺赤色。下有岩竇。出風。雖盛夏無暑。是名風雲洞。

雲笈七籤所謂四明洞天。丹山赤水者也。

雪竇山○雪竇山在奉化。山多奇勝。有妙高臺。藤龕。含珠林。錦鏡池。石竇。千丈岩。瀑布。泉龍。隱潭。諸勝。

○唐時雲竇禪師居之。鳥巢衣褶。寂然不動。○宋理宗嘗夢游一山。因繪圖令人遍訪。得雪竇如夢境。遂敕名應夢山。

塔亭山○塔亭山在奉化。上有布袋和尚塔。故名。其鉢盂佛跡尚存。





赤莧山○夏侯曾先地志赤莧山在奉化。上有磐石可坐千人。秦始皇遣徐福求神仙至此。或云昔有赤莧仙人居焉。

岳林山○岳林山在奉化。○梁建崇福寺于此。時有和尚形裁眼猥。腿腿。蹙額。蟠腹。常以杖荷布袋。凡供身之具。盡貯袋中。入市見物。則乞號長跪。雨雪中。體不沾濡。默示禍福。輒應。天將雨。先着溼草履。將旱。則曳高齒木屐。市橋上。豎膝而眠。一日端坐于寺東廊而逝。後有二僧云。見之于天台。

蓬島山○蓬島山在奉化。自四明山發脉。重岡複嶺。形勢雄壯。兀然諸山之表。

招寶山○招寶山在定海。一名候濤山。四面海天無際。朝鮮日本諸夷之域。皆在指顧中。山半有碁子坪。凡欲取碁子者。先以白飯撒之。翌日可得白子。次以黑豆撒之。翌日可得黑子。

翁洲山○翁洲山在定海。世傳徐偃王所居。春秋傳所謂甬東。即此。唐開元中。置翁山縣。

巾子山○巾子山在定海。○宋史張世傑次定海。元石國英令都統夏彪說世傑降。世傑斷彪舌。磔于巾子山下。即此。





蛟門山○蛟門山在定海東海中。一名嘉門山。環鎖海口。吐納潮汐。有蛟龍穴。處時興颶風怪浪。又有虎蹲山。屹立海口。出此則為大洋。古稱蛟門虎蹲。天設之險。即此。

鼓吹山○鼓吹山在定海昌國山之陰。曰戰洋者。世傳徐偃王既敗。不之彭城而之越。弃玉几硯于此。今有偃王祠。山巔平坦如掌。可容數百人。每風雨晦暝。隱隱有鼓吹聲。

補陀洛迦山○名山志補陀洛迦山在定海東海中。約一潮可到。其曰補陀洛迦山。梵語也。華言小白


華。一名梅岑山。相傳梅福煉丹處。○方廣華嚴經言善財第二十八參觀自在菩薩。與諸大菩薩圍繞說法于此。佛書謂海岬孤絕處也。

桃花山○志桃花山在定海。舊志安期生以醉墨洒石上。遂成桃花。

珠巖山○志珠巖山在象山。自海中望之。常有寶氣故名。

三萼山○志三萼山在象山海中。其上有三峰。又名三仙島。至春。百花盛開。清麗奪目。

紹興府





潛確類書 卷二十一  
臥龍山○輿地志臥龍山在府城內舊名種玉山犬夫種葬此因名種山漢作重山○地志以潮水至越山失其月今缺處也○自隋而唐而宋皆即山爲州宅宋高宗嘗駐蹕以州治改行宮

龜山○龜山在府城東南一名飛來山又名怪山又名寶林山○越絕書龜山勾踐所起臺也東爲司馬門因以灼龜又仰望天氣觀天怪也臺高四十六丈周五百三十步○吳越春秋范蠡築城旣成琅邪東武海中山一夕自來百姓怪之號曰怪山○寶林事實云怪山有巨人跡錫杖痕其傍磐石

上有石竅纔數寸時有魚出遊人取置懷袖了無驚猜如鰻而有鱗兩耳甚大尾有刀跡相傳爲唐寇黃巢所刺故然土人呼爲鰻

蕺山○蕺<sup>楫</sup>山在府治東北山顛產蕺舊經云蕺蔬類也越王嘗采食之因名王右軍居此遇一老姥賣扇右軍爲題其扇頭老姥初有慍色及出人競買去他日姥又持扇乞書右軍笑而不荅

葛山○葛山在府城東句踐種葛于此使越女治布獻之吳

會稽山○會稽山在府城東南古防山也一名衡山



一名覆釜。又曰棟山。○有陽明洞。道書第十一洞天。唐封為南鎮。○山海經云上多金玉。下多鐵石。宛委山。○宛委山與會稽山相接。壁立如雲。升者系梯而上。上有石匱。禹發之。得赤珪如日。碧珪如月。長一尺二寸。又傳禹治水畢。藏金簡玉字於此。秦望山。○秦望山在宛委之南。高出羣山。秦始皇金之。以望東海。

寶山。○寶山在會稽之南。宋高孝光寧理度諸陵皆在焉。迨元。惟西僧楊璉之變。林景熙唐珏。潛收劍舄。瘞于山之冬青樹下。君子謂此固二臣孤忠亦

趙宋禮遇遺逸之報也。

赤董山。○赤董山在會稽山南。○舊圖經。歐冶子為越王鑄劍之所。一名鑄浦山。○越絕書。赤董之山。破而出錫。亦名錫浦。○國策。破董山而出錫。○薛燭曰。赤董之山。已合。

白鶴山。○白鶴山在會稽山東。一名箭羽山。山側有石屋。砥平。可容數十人。○孔靈符會稽記。射的山。西南。水中有鶴山。此鶴嘗為仙人取箭。每刮土尋索。遂成此山。○漢鄭弘少時採薪。得一遺箭。頃之有人覓箭。奉還。問弘何欲。弘知其神人。答曰。常患





若耶溪載薪為難。願朝南風。暮北風。後果然。世號樵風。

射的山○射的山與白鶴山相連。遠望狀若射侯。故名。西有石室為射堂。里人常以山色明暗占米貴賤。諺云射的白。斛米百。

雲門山○雲門山在府城南。王獻之居此。舊有子敬亭。

蘭渚山○九域志蘭渚山在府城西南。句踐種蘭于此。蕭然。

蕭山○郡縣志蕭山在蕭山。許詢嘗築室於此。蕭然自放。

城山○城山在蕭山。山顛有泉。產嘉魚。闔閭侵越。句踐退保此山。吳王意其乏水。餽以米鹽。句踐取雙鯉報之。吳兵夜遁。

摩烏山○神異經摩葉烏山在蕭山。亞父斷蕭山南嶺。將摩于烏江。蓋江東以擲為摩也。

連山○連山在蕭山。長岡九里。○舊圖經秦始皇欲置石橋渡浙江。今石柱數十。列于江滌。

翠嶂山○翠嶂山在蕭山。一名夏駕山。○舊圖經山多菘草。織以為席。甚細滑。多摺者為上。夏駕者以

卷二十一

區字部十五

區字部十五

三

紹興府山





夏時水漲此山若駕于湖中也

歷山○歷山在蕭山。俗傳為舜耕處。其下為漁浦。十道志以舜所漁故名。

洛思山○洛思山在蕭山。漢時有洛下人隨太尉朱雋來會稽。三年不得返。登山北望而嘆。故名。

五泄山○五泄山在諸暨。一名越洞岩。山峻而有五級。故名。○水經注土人謂瀑布曰泄。

寶掌山○寶掌山在諸暨。一名千歲岩。唐寶掌禪師卓錫于此。自云年已千歲。故名。岩中石室可容百人。洞口石壁數片如削。禪師種貝多木一株在岩。

時有頻伽鳥巢其上

烏帶山○烏帶山在諸暨。一名來仙山。產紫石英。狀如棗核而八稜。紫色光瑩如琢。藏石中。石外圓中涵石英在水中。一頭微着石。采取必以露未乾時。

杭烏山○杭烏山在諸暨。豐嶂七十二。一峰特高。土人云。每風雨晦暝。輒聞樂聲。因名鼓吹峰。有玉臺石。又有石冢。可容數十人。大石如門。其平如削。舊

有杭烏刺史廟

句乘山○句乘山在諸暨。舊經云句踐所都也。其山九層。又云九乘山。





苧羅山○苧羅山在諸暨下有浣紗江。西施鄭旦居此。

歷山○歷山在餘姚。舜支庶封此。

秘圖山○秘圖山在餘姚。上有石匱。舊經云禹藏靈

秘圖書之所。初名方丈山。唐改今名。

龍泉山○龍泉山在餘姚。舊名霽緒山。上有龍泉。宋

高宗嘗登此。飲泉而甘之。因汲以歸。

羅壁山○羅壁山在餘姚。上有漢虞國別墅。襟帶溪

山。不數金谷。晉郗愔卜居于此。

四明山○四明山在餘姚。高一萬八千丈。周二百一

十里。繇鄞小溪入。則稱東四明。繇餘姚白水入。則

稱西四明。繇奉化雪竇入。則直謂之四明。道經第

九洞天也。峰凡二百八十有二。中曰芙蓉峰。有漢

隸刻石上。曰四明山心。其右有方石。四面玲瓏。如

窓牖。通日月星辰之光。故曰四明。

客星山○客星山在餘姚。又名陳山。嚴子陵故里。山

半有清華泉。

東山○東山在上虞。○宋王銍記其山巍然特立于

眾峰間。拱揖蔽虧。如鸞鶴飛舞。林谷深蔚。望不可

見。上有國慶禪院。乃太傅故宅。絕頂有謝公調馬



路白雲明月二堂遺址山半有薔薇洞相傳太傅  
攜妓之所山西有太傅墓○按東山以太傅名者  
三一在臨安二在金陵皆非所居之東山也惟始  
寧東山乃其故居

蘭芳山○蘭芳山在上虞即蘭風山也○水經注蘭  
風山當驛路木少石多三嶺枕帶長江孤危若傾  
緣山之路皆作飛閣以渡

太白山○太白山在嵎縣西絕高者為太白次為小  
白面東者為西白面西者為東白在東陽者為北  
白○剡錄峻極崔嵬吐雲納景趙廣信昇仙處也

石笋對立如闕有廣信丹井在山之陽瀑泉怒飛  
懸下三十丈產仙茗

白石山○孔曄記白石山在嵎縣上有瀑布水岩際  
有蜜房採蜜者以葛藤連結然後至齊帝立太平  
館于山以居褚伯玉孔稚珪從其受道于館側立

碑  
艇湖山○艇湖山在嵎縣出剡溪之左有子猷橋訪  
戴亭

石鼓山○石鼓山在嵎縣有石如鼓人騎踐之輒響  
世傳王右軍池中鵝嘗飛至此山中故又名靈鵝





山

金庭山○金庭山在嵯縣即天台華頂之東門也○  
〔靈寶經〕上有桐柏合生下有丹池赤水○〔真誥〕桐  
柏山高一萬五千丈周圍八百餘里四面視之如  
一其一頭在會稽東海際其一頭入海中是金庭  
不死之鄉在桐柏中方四十里上有黃雲覆之樹  
則蘇紆珠碧泉則石髓金精其山臺盡五色金也  
○〔舊志〕山之西有小香爐峰南有卓劍峰前有五  
老峰後有放鶴峰東有毛竹洞洞口有竹生毛節  
覆一節○〔唐裴通記〕剡中山水之奇麗金庭洞天

爲最其北門在小香爐峰頂人莫能見○晉王羲  
之家于此有書樓墨池遺跡○南齊道士褚伯玉  
建金庭觀乃其宅

丹池山○丹池山在嵯縣一名桐栢山道書第二十  
七洞天上金庭洞天下有丹池赤水

貴門山○貴門山在嵯縣崖嶂干雲峻嶒森錯壁立  
萬仞一峰卓然佳木老樹蔭翳森挺下有仙人洞  
可受數人又有三泉迸出石穴曰三懸潭寒氣逼  
人六月如秋或有登者披裘而往

剡山○剡山在嵯縣秦始皇東游時鑿此以泄王氣



一名鹿胎山。昔有陳惠度者射鹿此山。鹿孕而傷。既產。以舌舐子。子乾而母歿。惠度遂投寺爲僧。後鹿歿處生草。名曰鹿胎草。

石城山○寰宇記石城山在新昌。崑岩攢簇。石壁千仞。天台之西門也。武肅王改曰南明山。○齊永明中。僧護于此鑿百尺彌勒。自石中鑿出佛身。而石壁之後。有自然圓暈。如大車輪。正當佛首。四方濶狹。不差分寸。○嘉泰志石佛螺髻。上有靈芝香。聞數十步。夜光煜然。有狻猊二石。舊傳僧智顛卒。有二獸至。號吼作仰天叩地狀。遂化爲石。

南巖山○名山志南巖山在新昌。山岩陡險。沙石積成。如築墻以物觸之。紛紛散落。時或有崩墜者。世傳大禹治水東注。積沙成岩。岩石間或有螺殼。○唐齊顛題云。南巖本任公釣臺。岩腹有仙骨巨棺。昔人從絕頂垂縷下窺。見蛻骨甚大。與今人異。其色微紅。如餘霞後。山巔有古釣車。云是任公釣時所作。又五里爲穿岩。有石室。廣二十餘丈。石壁間有圓竅。東西通。隔岸視之。如圭竇。故名。

沃洲山○括地志沃洲山在新昌。與天姥對峙。道書第十五福地。支遁居此。戴許王謝十八人。與之游。



時稱勝會

天姥山○天姥山在新昌。高三千五百丈。周六十里。道書第十六福地。東接天台華頂峰。○後吳錄登此山者。或聞天姥謠謠之聲。○宋書郡國志山與括蒼相連。石壁上有刻字蝌蚪形。高不可識。春月樵者聞簫鼓笳吹之聲。

台州府

括蒼山○方輿記括蒼山在府城西南。唐天寶中改曰真隱。高一萬六千丈。周三百里。與仙居章羗山接。舊經云王方平往來羅浮括蒼。即此。

金鼇山○地理志金鼇山在府城東南。山左有小澗。

昔人夜泊山下。近視之。乃一金色巨鼇也。金人入寇。高宗航海。嘗臆舟于此。四句間捷。乃還。會稽

龍符山○吳越春秋龍符山在府城東。舊志夏王祭此。得龍符。上有巨人跡。相傳夸父逐日所踐。

合旗山○合旗山在府城東。世傳僧灌頂居此。會有海寇至。灌頂誦經自若。寇見山上旌旗隱隱。遂懼而遁。

海門山○海門山在府城東南。枕海。

大同山○地記大同山在臨海縣治西北。蜿蜒磅礴。



狀如屏障○舊圖經晉隆安末孫恩寇起刺史辛景休于此掘塹守之寇不能犯因以名山○宋紹興間道士惠德風斲地得晉斷碑有龍顧山字故又名龍顧其東南二里曰小固山與大固相望蓋竹山○輿地紀勝蓋竹山在臨海一名竹葉山山有石橋龍形龜背架于壑上兩澗合流橋下洩為瀑布有石室香爐天門三峰有長耀寶光二洞洞淵集以為第十九洞天有飛霞石舊傳仙人上昇于此石累三層牧孺戲以手搏之不墮○抱朴子可合神丹惟大小台華山少室山蓋竹山無山精

木魅之擾

白鶴山○白鶴山在臨海上有深湖中有磐石前有石鼓俗傳石鼓鳴則兵亂管有白鶴飛入會稽雷門鼓中擊之聲振洛陽即此山也○郡國志漢末有徐公于此山成道控鶴騰空而去故名

白鵠山○白鵠山在臨海其水傾注遙望如倒掛白鵠故名○臨海記白鵠山中有深湖魚大如二百斛舟修可二丈疑即龍云

許孝山○許孝山在臨海舊傳有許姓者居喪至孝每一慟則羣鳥悲鳴因以名之





東刊山○東刊山在臨海。以禹到此隨山刊木而名。山極高遠。亦名天柱山。

清潭山○輿地紀勝清潭山在臨海。○夷堅志舊有陂。廣十餘里。宋淳熙歲大水推一山納陂中。山之大小正與陂等。林木宛然。

委羽山○寰宇記委羽山在黃岩。世傳劉奉林于此控鶴輕舉。鶴墮羽翮。故名。○宋范宗尹有當年孤鶴知何處。遙想天風墮羽翰之句。一名俱依山。山之東北有洞。道書為大有空明第二洞天。嘗有道士乘燭入洞。行兩日不可窮。聞櫓聲乃返。洞側產

方石。周正光澤。五色錯雜。小大百碎。亦無不方。欲得之者。必裹糧撮許。撒洞口。隨意拾土。皆有石在土中。不然絕不可得。又常有仙女當月夜自洞出。逍遙松竹橋之下。或扣里人門求水火。

鷄籠山○鷄籠山在黃岩。山形如鷄籠。每星月晦。瞭有光燭天。人以為怪。不敢居。一日精彩晝見。或視之。金玉彌山谷。往取即滅。

靈石山○靈石山在黃岩。晉末孫恩作亂。毀其林木為船。山忽墮石傷賊。故名。

赤城山○名山志赤城山在天台。山石皆赤色。壁立





如城孫綽賦赤城霞起以建標即此道書第六洞天

天台山○天台山在天台道書謂上應台星高一萬八千丈周八百里從曇華亭右麓視石梁若在天半廣不盈尺長數十丈下臨絕澗惟攀蘿梯岩乃可登上有瓊樓玉闕碧林醴泉瑤草神奇莫可名狀舊稱金庭洞天

桐柏山○桐柏山在天台上有九峰曰紫霄曰翠微曰玉泉曰臥龍曰蓮花曰華林曰玉女曰玉霄曰華頂王右軍與支道林嘗習靜于此

寒石山○寒石山在天台唐寒山拾得二僧居此旁有隱身岩貞觀中豐干和尚謂閭丘太守曰寒山拾得即文殊普賢後身也太守往謁之二人笑曰豐干饒舌耶遂隱入山中不復出

安洲山○安洲山在仙居舊名管山亦名九旬山唐僧灌頂講經于此時山在水中波瀾四絕漁者甚衆灌頂止之不得忽一夕風雨大作旦則成洲韋羌山○韋羌山在仙居山甚峻絕上有石壁刻科斗篆文

紫籜山○紫籜山在仙居舊名竹山○唐天寶中明



皇夢一人紫服而朝自稱竹山神來獻瑞鳳明日果有鳳來翔遂賜今名

龍母山○龍母山在寧海○宋郡志吳尚書屈晃生子坦坦借其母自大固山陡隱于此坦尋化為龍母亦尸解葬其處

蓋蒼山○蓋蒼山在寧海瀕大海一名茶岩陶弘景嘗居此石上刻真逸二字即弘景別號也

天門山○天門山在寧海此山從剡嵒發脉綿亘三百餘里麓有閩風臺

大雷山○大雷山在太平周三十里曰大閭山曰莞山曰長沙山皆其支也上有龍湫

方城山○舊圖經方城山在太平絕巘壁立如城相傳越王失國嘗避居于此山頂平曠約百餘畝號仙人田

五龍山○志五龍山在太平一名石夫人山又名百丈巖巖石聳立大可百圍狀如婦人○宋郡志昔有人漁于海濱不返其妻攜七子登高望之感而成石下有七石人蓋其子云

金華府

金華山○名山志金華山在府城北金星與婺女星





爭華故名。又名長山周三百六十餘里。其最勝者曰金華洞道書第三十六洞天

赤松山○郡縣志赤松山在府城北。世傳黃初平叱石成羊處。赤松即初平別號

南山○寰宇志南山在金華府治之賓山也。其高無算。周四百餘里。其北自括蒼來。南則遂昌。松陽。宣平。東則永康。武義。西則龍游。湯溪。諸山皆相聯絡。深邃幽遠。千峰層疊。高入雲表。陰崖積雪。經春不消

長山○吳錄地理志長山在金華。昔仙人採藥處。山南有春艸岩。折竹岩。岩間不生蔓艸。盡出龍鬚。相傳赤松子羽化處。又有似龍鬚而麓大者。名虎艸。不中為席。但以其穰為燈炷

香山○香山在蘭谿。產玉蘭。下有杏溪。即蘭谿支流也  
蘭陰山○蘭陰山在蘭谿。其上多產蘭。故名蘭陰。以其橫截大溪。又名橫山大溪。即蘭溪也

東白山○九域志東白山在東陽。層巒疊嶂。接會稽天台

峴山○地理志峴山在東陽。舊名二丘山。晉殷仲堪

香確居類書 卷二十一 區宇部十五 三 金華府山





守郡日登此。後人思之。若襄陽羊祜。因改今名。山有二峰對峙。白東峴。西峴。飛瀑自顛而下。注於澗。淙淙如漱玉。宋令王槩作亭澗上。名水樂亭。蘇軾爲之賦。

歌山○東陽山水記。歌山在東陽。山有石室。可容百餘人。山下水通臨海。昔人乘舟。望見女子汲水山下。登岸而歌。姿態端美。舟人不知爲神。挑之神。怒墜三大石。以塞水源。遂不通舟。

雲橫山○志。雲橫山在義烏。一名雲黃山。一名松山。高一百四十丈。周二十里。上有峭壁。高百丈。廣三

十五丈。俯臨華溪。有石青白而紫。曰飯石。下有旋螭池。水紋旋如螺形。蕭梁時。邑傳大士。名翁。字元風。于此行道。有黃雲如蓋。盤旋其上。後人因名松山曰黃雲山。山多猛獸。大士以齋餘飯飼之。自是伏匿。今名其處爲餒虎岩。餘飯化爲石。可琢數珠。是時有陶氏子。資給大士甚勤。因付囑之曰。此石他日贍汝子孫。今惟此一家能琢。他人效之。石乃穿裂。

石樓山○石樓山在義烏。層崖高下。類重樓複閣。四面諸峰環拱。若屏幄然。



來山○來山在義烏。高二百五十丈。羣山遠來至此而止故名。山側有羊印石○輿地紀勝。梁天監中。西域嵩頭陀自香山南行。至金山江。水大溢。舟師莫肯載。師布傘水上。持鐵魚磬截流而濟。至來山立精舍。名來寺。

五雲山○晏公類要。五雲山在義烏。○唐天寶間。有五色雲。彌漫峰頂。故名。上有智忍岩。又二十里有覆釜岩。四隅孤絕。石芒峭發。上有平壤。土美可耕。而山邃地僻。迥非人世。

稠岩山○稠岩山在義烏。上有岩如屋。岩中石室深十餘丈。廣數丈。岩巒叢互。故以稠稱。○晉咸康中。丹陽令葛洪棄官隱此。

鷄鳴山○郡縣志。鷄鳴山在義烏。九日邑人登高于此。有臺。

方岩山○方岩山在永康。四面如削。駕飛橋。石梯可上。記稱岩洞幽深。泉石清曠。仙靈宅窟也。

金勝山○寰宇記。金勝山在永康南溪。昔有人得金豚于此。俗訛豚字爲勝字。故名。其下有石鼈潭。永康人入山。遇一大龜。煮之不爛。卽此處異苑。永康有人入金勝山。遇一大龜。束之歸。龜言曰。游不良。



時爲君所得。人甚怪之。載上吳王。王命煮之。焚柴萬車。語猶如故。諸葛恪命燃老桑。煮之立爛。然湖州武康亦載之。

石翁山○張氏土地記石翁山在永康。上有石。遙望如人坐。號石公。傍一石如婦人。號新婦岩。○蕭梁時。以此山有王氣。詔令鑿之。忽有雙白鶴飛鳴。化爲真人。乘霞而去。今此地名鶴鳴坂。

大家山○志大家山在武義。山南有新婦山。二山相向。每大家出雲。新婦山即雨。世傳晉張彥卿女。出嫁數日。姑婦併亡。其神各主一山。故然。

白陽山○白陽山在武義。山上有異石。色隨時變。歲豐則黃。歉則黑。○東陽山水記晉阮遥集之弟。妻劉伶之女。並好山水。渡江來隱。同時張彥卿爲永康令。亦栖于此。

八素山○八素山在武義。秦末有八士隱此。冠履雅素。因名。

菊妃山○九域志菊妃山在武義。山多蘭菊。旁有妃水溪。

仙華山○仙華山在浦江。相傳黃帝少女修真處。又名少女峰。五峰插天。上有異草。





寶掌山○志寶掌山在浦江。與仙華山相近。山前雙峰列峙。岩澗奇石。若虎豹狻猊。鐘鼎刀戟。上下錯列。復有懸岩湧出。類翩躚飛舞之狀。亦名飛來峰。峰下有泉甘冽。○志稱浦江山。水惟此與仙華為最勝云。

衢州府

爛柯山○爛柯山在府城南。一名石室。道書謂青霞第八洞天。云是晉樵者王質觀奕爛柯處。  
 九龍山○九龍山在府城南。相傳雷雨之夜。有九龍自穴中飛出。

塘山○紀勝塘山在西安。山高百仞。其頂有塘。深不可測。

龍丘山○龍丘山在龍游。九石秀立。狀似芙蓉。漢龍丘萇隱此。與子陵善。

三衢山○三衢山在常山。管洪水暴出。分為三道。故名。上有岩洞曰碧玉洞。中一石室。傍通二門。榜曰玉龍。

容車山○東陽志容車山在常山。上有石。周三百步。高三百丈。有賣薪者。每五鼓適市過之。如聞梵唄聲。後十年。山洪破岡。湧起一石僧。跏趺而坐。衆





大驚異。因建石僧院以祠之。

江郎山○江郎山在江山。高六百尋。一名金純。一名

須郎○東陽記金純山有三峰。皆數百尺。色丹奪

目。不可仰視○杜祐通典須郎山。發地如筍。有三

峰。皆姓江。三兄弟登其巔。因化為石。山頂有池。生

碧蓮金鯽。山半有岩。危石空懸。中可結廬。唐開明

禪師儀宴者。跌坐祠旁。叢棘間。鵲巢其頂。葉沒其

膝。有郡守謁祠。見之。是時師年已五十三。始為祝

髮。卓菴于此。有虎跑泉以供飲○寰宇記晉時山

下人湛滿。其子仕洛。遭永嘉之亂。見有三少年。告

以思歸。少年使之閉眼。入車中。但聞去如疾風。俄

頃間。乃從空墮入家園。

騎石山○志騎石山在江山。上有目連洞。明淨幽曠

如屋。一線之泉。鳴聲不絕。舊傳目捷連修行于此

○政和間。山下掘得青提夫碑。乃目連之母也。

筍竹山○志筍竹山在江山。高五十丈。其中有潭。深

晦莫測。溢則旱。淺則豐。土人以此卜歲○唐貞元

初。番禺女子詹妙容。修真于此。楮衣木食。騰空而

逝。後名為登高岩。

西山○西山在江山。峰巒秀拔。林木蒼鬱。邑人多選





勝結亭其上。山半有梅花泉。

蟠桃山○蟠桃山。在開化。桃花時望之霞燦。

古田山○括地志古田山在開化。山中虎不齧蛇不

螫。上有龍湫。每日雲一縷浮空而出所向之方即

雨。

嚴州府

烏龍山○烏龍山。在府城北。郡之鎮也。巔有二池。一

清一濁。俗名聖水。

橘山○橘山。在府城南。其山險峻不易登。上有羅浮

橘一株。熟時風飄墮地。得者訛傳仙橘云。

龍門山○龍門山。在府城東。石壁峭立。俯瞰江渚。有

飛瀑噴岩而下。

幽徑山○圖經幽徑山。在建德。○漢朱買臣避吳王

濞之亂。嘗寓此山。築室讀書。滌硯于池。後人因名

爲朱池。又名其里與橋皆曰招賢。

馬目山○圖經馬目山。在建德。上有一峰昂然如馬

首。中有小峰如目。一名南高峰。

雲濛山○雲濛山。在淳安。山高五百丈。周七十里。天

欲雨。則雲霧滃騰。山頂其下有泉流若琴筑聲。○

宋汪若谷詩。林葉舞風翻趁拍。石泉流水自鳴琴。



南山○南山在淳安。岩石峻層。林木陰翳。山巔有物外亭。宋人建。

東泉山○東泉山在淳安。南一峰曰紫瑞。當龍池之上。望之如青芙蓉。出泉三派。皆東注。

都督山○都督山在淳安。相傳方儼為漢都督所嘗駐兵處。山下即威平鎮。○圖經山極高峻臨江。以

占吉凶。凡石崩墮入水者。到半山而止者吉。消散至水際者免。有官之鎮以此為驗。

桐君山○西征記桐君山在桐廬。自衢歷婺。至新定曰睦州。二江之水會合亭下。有山巍然直壓其首。

如渴鰲怒鯨。奮迅鬣鬣。奔而入水之狀。或云桐君

在黃帝時嘗與巫咸同處。方餌有藥錄一卷。行于

世。久已失傳。宋紹興間。縣令許由儀訪至山隈。有

雙小桐在。于是立祠。山頂繪像以祀之。

戴山○圖經戴山在桐廬。與桐君鳳凰二山相為聯

屬。劉宋戴顓<sub>平玉</sub>與父達。兄勃。譙郡人。慕越中山水。

初徙剡縣。後乃居此。顓字仲若。著通論戴記十篇。

故山以戴名。

牛山○牛山在桐廬。山當驛道。上通閩廣。下接杭越。

屈曲十有五里。○宋孫紹遠記畧內薄山。外瞰江。





高深殊絕。而窪凸屈曲。步步必戒。如是者十五六里。○建炎中。金兀朮入寇。歙人錢學學率民兵三千。因險設伏。大敗金人于此。○淳熙中。邑令向演于沿江處所。立扶欄七百。行者便之。元末劉真據縣。取石築城。扶欄遂廢。

富春山○富春山在桐廬。一名嚴陵山。清麗奇絕。號錦峰綉嶺。前臨大江。即子陵釣處。人號嚴陵瀨。山有東西二臺。以光故名釣臺。各高數百丈。○宋末閩人謝翽嘗參文天祥軍。及信國被害。遂登釣臺哭之。北向舉酒。以竹如意擊石。歌曰。魂歸來兮。何

極。魂去兮。關水黑。化為朱鳥兮。有噉焉食。歌已。失聲哭。因遊白雲源。願即此為葬地。及卒。友人方鳳如其言。葬之。曰宋處士謝臯羽之墓。傍有許劍汝社二亭。

霧山○霧山在遂安。孤峰峭立。為一邑之望。或謂婺州與徽之婺源。並以女宿名。此邑界其中。應作婺山為是。

武彊山○郡縣志武彊山在遂安。山勢險峻。盜不能攻。故名。

石英山○寰宇記石英山在遂安。產白石英。唐時充



貢

魏馱山○魏馱山在昌壽。唐李頻及第挈妻過此。妻見其險峻。有倦容。頻戲作一詩慰之。

萬松山○萬松山在昌壽。萬松環翠如畫。

慶雲山○慶雲山在分水。一名五雲山。唐長慶中有五色雲見。

溫州府

華蓋山○華蓋山在府城東道書第十八洞天。下有容成洞。相傳黃帝時容成子修道于此。宋仁宗嘗三遣使訪之。但有三生石在耳。

吹臺山○吹臺山在府城南。上有王子晉吹笙臺。地產簫管竹。及椅桐。梁太守丘遲嘗採椅桐製琴。

泉山○泉山在府城西南。朱買臣曰。越王居泉山。一夫守險。萬人不得上。即此。

青嶂山○青嶂山在永嘉。山上有大湖。浩渺無際。山號七峰。水名冷水。蕭梁陶弘景栖止于此。真誥。岩白雲嶺。皆其遺跡。

孤輿山○孤輿山在府城北。永嘉江中。東西兩峰相對。其麓有江心寺。

華岩山○華岩山在府城北。王右軍帖云。近得華岩。



石頗佳。即此

覆釜山 ○覆釜山在永嘉。後以宋林靈素葬此。又名

靈官山 ○晉郭璞謂郡城象斗以華蓋松臺郭公

海壇四山為斗魁。積穀異吉。仁王三山為斗柄。黃

土靈官。一山為輔弼也。靈素邑人。以神霄大法得

幸徽宗賜號金門羽客。冲虛通真。達靈玄妙先生

後忤蔡京。與祠溫州天慶觀。張如晦棄官從之。一

日戒如晦曰。可于覆釜山斲地五尺。見石龜蛇即

葬我。葬畢。宜亟去。是日三更。援筆題曰。四十五年

勞生。浮名薄利。崢嶸要識神仙舊路。中秋月下三

更題畢。忽聞雷聲。稽首而化。及葬斲地。果如其言。

甫下棺而雷電大作。雲霧晦冥。失其所在。其御賜

七寶數珠與印劍等物。俱同瘞。至靖康元年。欽宗

遣使取數珠。將發墓。而黑風雷雨。百怪雜出。使者

驚謝。天始霽。則數珠在樹矣。劇音竹

羅浮山 ○羅浮山在永嘉永寧江北岸。與孤嶼相望

○永嘉記。秦時自海上浮來

大小若 ○大小若在永嘉。東西二溪合流。岩下滙為

龍潭。又有大若岩。與之相並。其下時出赤水。又名

赤水山。道書為第十二福地。上有石室。可容千人。





又名石室山。沿山峭壁高十二丈。傳是石室步廊。○三國時永寧朱孺子于此食枸杞仙去。○唐邑人傳隱遙亦居此山。辟穀修煉。至調露元年上昇。今有登仙石。大若岩是。倚有天臺山。其形如甌。羅列十三峰于前後。中有傳岩。瀑布泉蟾蜍石龍聽洞石柱諸勝。又有石置山。上一方石。傳是黃帝緘玉版金券之秘者。

西峴山○神仙傳西峴山在瑞安。梁馬湘至安固。卜居西峴下。每有紫霞覆其居。左右有二十八井。上應列宿。

寶香山○寶香山在瑞安。上有浮圖。江水環繞我洪武初。邑人卓敬年十三。讀書山中。夜歸避雨小院。見一老翁。敬修謹詢翁。翁曰。吾世業醫。往來中條山。聞陶隱居有丹室在此。南來採藥。不久當還。郎君無用知也。因與一牛騎歸。及抵家牛忽咆吼。化一黑虎而去。比明尋訪小院。數日乃在縣西四十里。陶弘景丹室故址。有古廟。是雨夜所經行者。其壁有潘閔夏日宿西禪院詩。墨跡猶新。循其路歸。見虎跡歷歷尚存。敬後登進士。靖難兵南下。敬歿之。



五公山○五公山在瑞安。世傳蕭梁時高僧誌公。化公。朗公。唐公。寶公會此。

許峰山○許峰山在瑞安。山高數千仞。海舶視為方向。相傳許遜煉丹其上。丹竈猶存。

福全山○福全山在瑞安。陶弘景亦嘗居此。道書稱為三十三福地。

仙岩山○仙岩山在瑞安。道書第二十六福地。岩際有龍鬚潭。在雷潭之上。相傳黃帝乘龍飛昇時。有鬚墮故名。

帆遊山○帆遊山在瑞安。界于永嘉東。接大羅為舟。


楫要衝○永嘉記地管為海多過舟故山以名

丹霞山○丹霞山在樂清。○晉邑人張文君名薦。修煉于此。常乘白鹿。吹玉簫遊諸峰。郡守王義之往訪文君。遁入苦竹中。義之不得見而去。

簫臺山○簫臺山在樂清。相傳王子晉吹簫之所。

白石山○白石山在樂清。山高一千丈。周二百三十里。唐天寶初改名五色山。山純石無土木。上有昇仙壇。屑玉泉。列玉洞。連珠潭。藏真塢。應天洞。其嶺夜半見日初出。

左原山○左原山在樂清。羣峰環繞。中有田二千餘。





畝。民居悉藏谷中。一峰如卓筆。有梅溪。導湖。左嶺為小雁蕩。王龜齡之居在焉。

雁蕩山○雁蕩山在樂清。山頂一湖。方可十里。水常不涸。春雁歸時。多宿此。諸峰峭峻險恠。不類他山。皆包在諸谷中。自嶺外望之。都無所見。至谷中。則森然干霄者。凡七十七峰。晉人謂謝靈運癖于山水。搜奇剔隱。靡所不至。獨失一雁蕩焉。豈勝地顯晦亦自有數耶。至宋祥符中。因造玉清宮。伐木始有物色。此者。而雁蕩之名遂著。

昆山○志。昆山在平陽。雄麗峻拔。頂有巨石。俗名古岩。上下有六洞。其陰有白石巷。乃宋林景熙所居。南對昆岩。景熙由太學釋褐。歷禮部架閣。元兵盡發。越中。宋帝諸陵。餘骸棄草莽中。人莫敢收。景熙與唐玉潛數輩。相率詐為採藥者。至陵上。以草囊拾而收之。又聞理宗顱骨。為北兵投湖水中。復購漁者求之。乃盛以二函。稱曰佛經。葬于越山。種冬青樹其上。因托夢作詩。以寓意曰。珠亡忽震蛟龍睡。軒蔽寧忘犬馬情。親拾寒瓊出幽草。四山風雨鬼神驚。又一杯自築珠丘土。雙匣猶存竺國經。獨有東風知此意。年年杜宇哭冬青。又昭陵玉匣走



天涯金粟堆寒起暮鴉水到蘭亭轉嗚咽不知真  
帖落誰家又喬山弓劍未成灰玉匣珠襦一夜開  
猶記去年寒食節天家一騎捧香來景熙後以教  
授終所著有霽山集

鳳山○志鳳山在平陽臨江綿亘數里舊名錢倉以  
其石罅中有錢流出故云山有鳳凰岩醉翁岩望  
海壇又有石洞上刻晉魏八分書其字跡隨潮大  
小爲枯潤

青華山○舊圖經青華山在平陽其頂有湖東有羣  
仙洞可容百人後洞門忽隘不可入西有丹傳岩

羅漢岩居中仰視宛若樓閣山麓有嚴公岩南唐  
有嚴永者初歷顯仕一旦藏衣冠于此爲人傭作  
自給後朝使奉詔求之不得但得其衣冠于岩壁

間

南雁蕩山○南雁蕩山在平陽北自窵嶺南自施岩  
四五十里皆雁蕩也窵嶺有普照道場○五代時  
僧顧齊杖錫尋訪至明王峰頂聞雁聲而平原曲  
逕自然天成喜曰此山水盡處龍雁所居而又屢  
聞鐘梵豈非西域書所謂雁蕩龍湫者耶因結茅  
其間吳越王錢氏因建普福道場盡以平陽一鄉



之賦贍之。今有錢庫嶺綿坳。茶亭諸跡。夾澗東西。有二石室。可坐數百人。凡有十三峰。三洞。二岩。又有石門樓。石華表。釣磯。朝陽谷。石梁。竹坡。月窓。晴虹澗。杜鵑林。諸勝。

玉蒼山○玉蒼山。在平陽。古碑云。蒼玉之山。龍蟠虎踞。

天闕山○天闕山。在泰順。上有龍湫。

處州府

釋山○釋山。在府城內。長岡秀隴。產釋木。唐李鄴侯

建州學于上。釋音宅木各棘也可為射決又音徒與葱同義

九盤山○九盤山。在釋山之西。山路盤曲。故名。又名

小括蒼山。羣峰環簇。狀似蓮花。

南明山○南明山。在府城南。上有高陽洞。米芾書南

明山三大字刻石。

少微山○少微山。在府城東郡。應少微星。故名。即大

括蒼也。

麗陽山○輿地記。麗陽山。在麗水。高六百丈。上有龍

潭。石室。天井。

城門山○永嘉記。城門山。在麗水。瀑布水。值風散為

雨。遇日。化為青虹。





石僧山○郡國志石僧山在麗水上。有石狀如臞僧。宋紹興間。劉大中以兵部尚書出守。未幾。召還。上問石僧之狀。若何。大中以詩對曰。雲作袈裟石作身。岩前獨立幾經春。行人問我西來意。默默無言總是真。

風門山○風門山在麗水上。有二穴。深邃。風自中出。每夜靜。月明。有白氣自山麓上徹霄漢。

大梁山○大梁山北跨麗水。南跨青田。登其巔則城郭村落皆屬指顧。又名望嶺。

青田山○青田山在青田。○舊經唐道士葉法善栖

此其田產青芝處也。○永嘉志青田有雙白鶴。年年生子。子長飛去。道書玄鶴洞天。在處州青田。第三十洞天也。故又名太鶴山。山周迴五百里。上有試劍石四。各高百餘尺。相去各三尺許。舊傳青牛道士傳道葉法善。煉丹于此。丹成試劍。斷石為四。占陽山○占陽山在青田。山上叢生小竹。巨葉。其實可為糧。

石帆山○石帆山在青田。高五十餘丈。下臨大溪。○九域志晉有神人破永嘉江北山為帆。入惡溪。道棄此山。故名。





南田山○南田山在青田。山上有沃土。多稻田。古稱七十二福地。此其一也。

石門山○石門山在青田。兩峰對峙。有洞曰石門。道書謂玄鶴洞天。西南崖飛瀑百餘丈。舊在榛莽中。自靈運守郡時。搜得此勝。

吏隱山○吏隱山在縉雲縣令李陽冰隱此。有臺曰忘歸。多題咏篆刻。水音疑

仙都山○仙都山在縉雲。道書謂玄都洞天。上有昇湖。產異蓮。湖之東為步虛山。奇峰千仞。西為忘歸洞。即李陽冰隱居也。

小蓬萊山○**九域志**小蓬萊山在縉雲。上多怪石。奇樹有峭壁。高可數仞。澗水湛然。游者泛舟而入。迥出塵外。

括蒼山○括蒼山在縉雲。一名蒼嶺。道書十八洞天之一。周三百里。東跨仙居。南控臨海。吳錄云。登之俯視雷雨。高一萬六千丈。棠溪赤溪管溪。二水環遶其下。四面石壁。可容數千人。

鳳凰山○鳳凰山在龍泉。山之陽有白雲巖。桃花洞。五代時。鶴衣道人。日醉山下。為里婦所辱。嚙紙成鶴。跨之去。





九姑山○九姑山在龍泉宋時建亭于上登之可盡一邑之勝

琉華山○琉華山在龍泉巔有長湖深不可測山下即琉田居民多以陶為業舊傳章氏弟兄造青瓷佳絕兄曰哥窑弟曰生二窑

臺湖山○臺湖山在龍泉○五代時邑人丘鼓採樵入山忽遇澄湖橘林杳非人境見二叟對奕及還已別暮年其山中日纔暮云

西山○西山在龍泉縣宋真德秀生于西山既壯徙浦城號曰西山不忘本也

金鰲山○志金鰲山在龍泉水中山北崇因寺有鐘忽一夕在稽聖潭又一夕在吳岱山塢寺僧視之但聞鐘腹中有咆吼聲而風雨逼人無可為計翌夜其鐘自還又有木魚在東廊長丈許唐物也宋時有竊而載之舟中者夜自有聲風波洶湧懼而返之我朝正德八年寺火而木魚無恙又有石筆一枝出地尺餘圍三尺根深丈許

卯山○卯山在松陽山有怪石如松之有枝葉酉山○酉山在松陽與卯山相對各以方向為名亦法善往來處也有葉國重乃法善之祖唐時稱有





道先生括州守李邕為撰墓碑并書○歐陽修云。余集古所錄李邕書頗多。最後得此碑于蔡君謨。世傳李邕為處州刺史。葉法善求為其祖國重作文。許之。文成。又請書。不許。一夕夢法善請曰。向辱雄文。光賁泉壤。敢再求書。邕喜而為書。未竟。鐘鳴。夢覺。至丁字下數點而止。法善刻畢。持墨本往謝。邕驚曰。始以為夢。乃真耶。今稱追魂碑云。

大明山○大明山在松陽。一名留明山。在卯山西。○漢時有道士。修煉于此。道成真陽。畢露于頂。夜輒照徹山中。若太陽出。道士無姓名。人但呼為戴火。

仙因立戴火仙廟

西屏山○西屏山在松陽。上有凌霄臺。半月泉。旁有望松嶺。

上方山○上方山在松陽。唐進士毛雲龍煉丹于此。下有川曰中澳溪。

唐山○唐山在遂昌。山北二峰筆立。嘗有羅漢見。又名羅漢峰。五代僧貫休居此。

西明山○西明山在遂昌。巉岩峻絕。下臨大溪。上有含輝洞。

君子山○輿地紀勝君子山在遂昌。西上為妙高山。





又西爲白馬山。天日晴朗遠見衢婺。益邑之鎮山也。

雞鳴峰○輿地紀勝雞鳴峰在遂昌。四山中立。一峰常聞雞鳴。牧人跡之。絕頂得一石。紺青而潔。持以歸。其後雞聲遂絕。

百丈山○百丈山在慶元。五代時馬氏二女飛昇處。有剪刀鏡臺遺跡。

象山○輿地紀勝象山在慶元西北。又北爲巾子山。兩山對峙如角巾然。又西有薰山。宋大觀初。象山巾子山。佳氣浮空若架彩橋。遙接薰山。有寶車仙

仗。往來其上。是年邑人劉知新廷試第一。由象山

而東爲鏡山。縣治在其西南。由象山西折爲蓮花

山。黃鶴山。各以形名。

仙桃山○仙桃山在慶元。高出群峰。○宋時邑下人

管人黃十公樵于此山。見二叟對奕。得其餘桃。噉

之。觀奕未竟。歸已三載。遂居百花岩。二十年坐化

仙岡山○仙岡山在慶元。與鳳凰山相連。○宋有梵

公爲邑阜隸。邑令刑峻。公用葱貯血。匿杖中。行杖

見血。刑者多因得活。一日令見公行。不履地。詢知

其陰德。大異之。公亦遂去。修煉山中。功成。以石白



千斤爲冠。登此岡羽化。

烏鐵岩○烏鐵岩。在景寧。時雨初霽。石色如鐵。其第

二峰尤陡絕。又東爲羅岱嶺。俗有近天三尺之說。

又有龍腦潭。迤東爲盧栖溪。溪上岩洞尤奇。昔道

士盧敖栖其中。洞旁竹筍味甚佳。號盧栖筍。溪旁

有岩生竹四竿。無風自動。拂除岩石。

石耳山○石耳山。在景寧。岩高百餘丈。上生石耳如

甚。頂出流泉。大旱不竭。又有響岩。扣之作聲。甚恍上聲

白馬山○白馬山。在宣平。上有石室。中巨石屹立。擊

之鏗然。葉法善嘗隱此。

玉岩山○九域志玉岩山。在宣平。四面陡絕。惟一徑

捫蘿可入。岩下有清風峽。桃花洞。郡人嘗避兵于


此。











国立国会図書館 タイトル『潜確居類書120巻』 請求記号 032-Ti282s

ガラス使用